

豫章叢書

第一五六冊

碧梧玩芳集卷九

宋 馬廷鸞 撰

制

陳壇除資政殿學士致仕制

朕餒惠先猷尊寵耆德昔孝宗淳熙之世有劉章胡
銓其臣繇從班而陟殿惟初示優賢之禮自延康而
拜資政用爲告老之榮雖保身喜明哲之獨全亦課
國惜典刑之得謝其頒坦制以獎高風具官某受材
恢宏制行清謹嶧山之桐泗濱之磬何風韻之獨高
新甫之柏徂徠之松有歲寒而不變自筵緝紳之列

備僕藩從之華蚤著廉能今爲宿齒平生冰蘖有一
琴一鶴之風晚歲山林適某水某山之趣比疏異渥
以寵耆英欲遵漢世訪伏生之規亦念吳人稱尙父
之語從以孫子固將下萬石之里門其在朝廷猶可
受三老之几杖屢抗章而有請期約祿以自怡惟尊
賢固人主之明而從欲亦聖人之恕峻升秘幄渙發
恩綸家既有於安車門遂施於行馬以昭體貌以款
燕閒噫九秩而膳飲從游式遵禮典百年而威儀自
警尙聽詩箴諒惟存闕之忠無廢告猷之益有謀則
就俾壽而臧可

劉克莊特授煥章閣學士致仕制

朕優禮舊儒愍煩官職請麾以出冀聞善養老而來
拜疏不休迄欲致爲臣而去喜爾得全於明哲恨予
未厭於典刑式獎高風爰頒坦制具官某詞章遠輩
於修軼學問上接於乾淳仰之彌高山斗一時之望
行而必遠江河萬古之流予解紱而更張爾先輝而
來下還居兩制其代王言擢長六官蓋先民譽進退
有裕表裏無瑕擅名筆於本朝他學士閣不得下瞻
耆英於下國一靈光巋然獨存乃復抗章力祈謝事
雅志深嘉於疏傳渙恩峻陟於堯章增西清荷棄之

榮示東路角巾之寵鄉里蒙三老之教子孫卜萬石
之門噫巨源出京師之初供帳孰多於祖送居易辭
同州之後掛冠未美於保釐尙歆詢茲選不謂矣可
翰林學士知制誥兼給事中兼修史牟子才特
授端明殿學士與官觀制

朕惟哲宗元祐之初嘉范鎮老成之望陟延康之秘
殿錫以恩華賦崇福之真嗣遂其安逸用頒漢制併
獎蜀珍具官某人有典刑學深源委順從觴棧來瑞
朝廷忠言嘉謨偉論豈殊於軋轍精筆妙墨英詞未
遜於淵雲被遇先皇久登法從比繼鵷圖之始實領

黃髮之詢肆瞻學士之真執若禁林之老以疾來諡
拜疏不休勞侍從而厥承明具殫懇切專精神而輔
醫藥宜聽優游超昇渙綸式稽故典入關而性多病
已遂留候之嵩風在畝而忠不忘毋替更生之直節
可

牟子才特授資政殿學士致仕制

朝廷尙德方峻陟於延康君子遺榮忽聽違於神武
欲全雅志乃進穹班具官某秀稟蜀珍蚤推國器噓
海岱而出雲雨忠言若炳於丹青濯江漢而暴秋陽
大節靡渝於華皓朕之初政朝有老臣甫傾蕭艾之

周詢獨味山林之長往何恙不已式遣其歸顧令自
適於養恬忽復力祈於謝事念文獻之無幾慨典刑
之有存用升規殿之榮名以侈耆儒之晚遇噫召彼
故老嗟何及於咨詢賢哉大夫庶自全於止足勉而
嘉遜服我寵章可

周坦特授中奉大夫守寶章閣直學士致仕制
持江海之麾會且歸矣上星辰之履止或尼之力深
側席之思遽覽懸車之奏具官某學全素履躬擅大
名琅琅天人之奏篇蚤魁多士炳炳仁義之論諫獨
冠七人台斗之望浸高山林之日滋久比更大化念

爾宿儒嘗令佩印綬以爲邦不復隨弓旌而造闕俄
上遺榮之請爲頒增秩之恩噫進退豈不裕餘尙服
孟軻之訓止足可以長久庶幾老氏之風茂對寵光
益綬壽嘏可

中奉大夫方來特授太中大夫守寶章閣待制
致仕制

朕瞻言耆舊候對嚴凝惟適之安方挹浮丘之袂何
恙不已欲掛神武之冠特出明縉以華晚節具官某
英姿山立奧學淵涵正色而言早登諫苑嘉謀則告
繼上禁塗去佩郡章并流民譽雖仲舒厭事每不樂

於京師而靈光獨存猶足鎮於下國遺榮荷橐亟請
懸車可無褒升以嘉止足噫超邁賈誼嗟何及於少
年卽拜申公悵莫迎於故老可

謝堂特授華文閣待制提舉佑神觀免奉朝請
制

十連爲帥方預謀專閫之英三命益共竟莫過循墻
之請巍閣特陞於候對珍臺仍領於內祠謙柄有光
渙敷示寵具官某風猷明浚材術疏通生重侯累將
之門豈軒冕之爲貴得經生學士之趣有詩書以自
娛察其埋人御眾之長付以開府作牧之事南閩之

寄甚重豈漫選掄東山之志不渝墨形冲遜吾汗爲
反汝志良嘉得非高牙大纛之榮不易綵服斑衣之
樂松階峻陟仰瞻虞帝之華蕊館自怡獨挹浮丘之
袂併獨朝請庸表寵嘉噫共理而無愁恨之民朕方
課漢循吏之績遜職而有慇懃之疏爾乃希晉賢戚
之風益勉令猷嗣膺殊渥可

王堅致仕加恩制

門下朕念邊陲控帶之邦倚勲傑扞城之力老當益
壯方圖將軍之功歸不待年忽致大夫之仕甫賴整
師於淮浦詎期謝病於頻陽莫邊雅懷其數異數具

官某性根忠義資稟沈雄結髮而戰匈奴影覆而號
飛將念昔銅梁之績重清玉壘之昏衝梯舞雲冀奪
墨家之守枯泉飛液咸敬漢德之神西師歌心膽之
寒北道異餓糧而去徑登齊鉞來護周廬乃瞻歷陽
寶維鉅鎮外峙邊頭之保障內增江西之藩籬宜宣
老熊當道之威遠覽神虎掛冠之奏昔盱眙奪劍力
全臧賁之城今南郡賜金熟愈呂蒙之疾何恙不已
鮮我方將儀辨三孤乃忝華於亞傳爵冠五等仍進
列於羣公併衍組圭俾安藥石於戲聽碧思封疆之
烈靡忘著令以稱忠懸車傳子孫之榮猶可闔門而

養重尙其冲舊對此褒庸可

口宣

有勅卿有負薪之疾莫得而留職參差棘之班以華
其老祇承恩寵茂介壽祺

勅

賜兩鎮勅書

朕承太母之徽音遵先皇之泊命時維叔父翁頌宗
賢德音盛禮言恭謙光愈渥聖盡倫王盡制渙號宜
加愷先志之未酬俾冲人而申錫仍洋川之舊組增
夔國之新麾時庸展親論遠民而胥契丕應後志聞

成命以咸欣

賜呂文德銀合臘藥勅書

凝沍屆時嘉平紀節念上流之巨屏倚大將如長城
管遣雪裘式昭眷注載頒臘劑往輔冲和軍懷挾纊
之溫士有同胞之喜祇承朕命勤撫爾師

賜李庭芝銀合臘藥勅書

淮冰未合漢臘初臨睠予兩道連帥之臣獨任三邊
風寒之寄寶奩頒劑璽詔封泥助養冲和益優撫恤
賜汪立信銀合臘藥勅書

冬日烈烈三戌屆期江流滔滔十連倚重眷言副閫

密接上游常懷陰雨之防益謹風寒之護式資寶衛
奚錫珍良壯爾精神固予保障

賜劉雄飛銀合臘藥勅書

卿銳卻北氛遠寬西顧三戍旣屆乃漢家用臘之辰
六甲重開又皇朝下蜀之歲茲頒寶劑往助珍調壯
爾精神拓子疆理

賜都統孫虎臣等銀合臘藥勅書

朕深居九重念關西塞霜露所墜皆予經理之區雨
雪載塗感爾征戍之苦茲頒臘劑奚謹歲常益增衛
生之經厚撫將屯之眾

賜諸閩銀合臘藥勅書

朔風凜冽江國嚴凝瞻想大僚服勤專闕藥囊珍寶
驗鴻寶之秘方璽檢細書飭嘉平之故事挾纘已浮
於仁氣看題用佐於生經

又

朔方勁氣當冰鬚雪脛之時南紀地雄有金城鐵壁
之勢藉風寒之衛護先陰雨以綢繆眷我寶臣賜之
珍劑用致熙和之助益宣扞禦之忠

又

雨雪三冬况鄰朔塞風寒兩道盡護全淮錫以璽書

將之珍劑看題檢藥尙遵賢苑之方挾纘撫軍益壯
金城之衛

賜李庭芝銀合臘藥勅書

三冬戍臘兩道風寒眷吾從臣兼籌戎事輕裘制
闕而毛頭之色浸清挾纘撫軍而龜手之方不試式資
寧輔是有頒彝

賜江萬里銀合臘藥勅書

有懷二府之重臣分牧七閩之鉅鎮地雖煥若時屬
寒凝其頒彝賜之珍良往助和倪之寶嗇茂承主眷
厚撫民瘼

賜史宇之銀合臘藥勅書

卿以三槐之舊德鎮九曲之名邦斗柄北指而天下
皆冬仁風南馳而閩地猶燠其頒上劑往助生經尙
資肘後之良立起溝中之瘠

賜呂文德銀合臘藥勅書

朕念關漢塞之風寒恩重唐朝之臘賜眷吾勲保正
倚旬宣鎮國上流迫隆冬至其頒寶劑往助珍劑壯
靈旗武帳之精神掃雪脛冰霜之妖祲

賜汪立信銀合臘藥勅書

維大江西迫隆冬至眷言外閩服乃中權陰雨綢繆